

also wann du mit dem zusechten zu dem azann kumpst. teet er dann  
gogen dir vnde hellt sein schwert vor dem kopff ihm der hut des Zehsen auf seine  
Lincken seiten so setz den Lincken fuoss fur vnde halt dein schwert an der Rechten  
Achseln ihm der hut vnde auss der hut springt mit dem rechten fuoss wol auf die  
Sechte seiten vnd schlag ihm mit der langen schneidin auss gereckten Armen  
uber seine henn.

**I**tem den trumphart soltu auch treiben auf der schrammch hüt von beiden  
seiten vnde ihm die hut schick dich also. Wann du mit dem zusechten zum azann  
kumpst so setz den Lincken fuoss vor vnde halt dein schwert mit dem ort neben deiner  
rechten seiten auf der Erden das die langen schneidin am schwert oben gewanzt  
sei vnde gib dich also ploss mit der lincken seiten harfst er dir dann zu der Plosse oben ein  
Dospringt aus mit dem Rechten fuoss auss dem hanw wol auf die rechten seiten gogen  
Ihm vnde stoss mit der Lincken hand den knopf deines schwerts vnder deinen  
rechten arm vnd schlag ihn mit gereckten henn den auf der langen schneidin  
mit dem ort auf seine henn.

**A**tem Also schick dich mit der schrammch hut zu Deiner Lincken sei-  
ten wann du mit dem zusechten zum azann kumpst. So setz den rechten fuoss fur vnde  
halt dein schwert mit dem ort neben deiner Lincken seiten auf der Erden mit ge-  
reckten henn den das die kurze schneidin am schwert oben sei vnde gib dich mit  
der Rechten seiten ploss harfst er dir dann zu der Plosse so schreit mit dem Lincken  
fuoss wol auss dem hanw auf dem Lincken seiten vnde schlag ihm mit dem schwert  
mit der kurzen schneidin über seine henn.